



Universitätsbibliothek Paderborn

**R. P. D. Ioannis Ivsti Lanspergii, Natione Bavari, Illvminati
Ac Religiosissimi viri, Carthusiae Coloniensis ante annos
centum Vicarii, & Magistri Nouitiorum laudatissimi Opera**

In Qvinque Tomos Distributa, à mendis expurgata, veteri integritati
restituta, & indicibus locupletata

De Tempore

Landsberg, Johannes Justus

Coloniae Agrippinae, 1631

Paraphrasis in Epistolam B. Pauli ad Ephesios V.

[urn:nbn:de:hbz:466:1-47044](https://nbn-resolving.de/urn:nbn:de:hbz:466:1-47044)

DOMINICAE XX. POST TRINITATEM.

673

Cogitationes
malæ in fuit
peccata.

Matt. 15.

ret. Nam cum Pharisæi discipulos Christi notarent, propterea quod non laubant manus suas manducaturi, Dominus illos excusans, dicebat. Non peccata. lotis manibus manducare, non coinquinat hominem: sed ea quæ de corde exēunt, hæc sunt quæ coinquinant hominem: & exempli gratia multa, quæ de corde exēunt coinquinantia hominem recensens, nominat etiam cogitationes malas. Sunt igitur cogitationes malæ cauenda. Quæ, inquis sunt malæ: Hæ scilicet, quorum opera si fierent, essent mala aut damnabilia, horum etiam cogitationes sunt noxiæ & malæ, non quia sunt nudæ cogitationes tantum & phantasiæ, quantum attinet ad actum cogitandi, sed ut sunt peccatorum cogitationes, quarum res cogitatæ delectant, tametsi cōsensus repugnat ad operandum, non tamen repugnat in cogitationibus rerum cogitationes gitatarum ad delectandum, seu ad corde voluptuandum in illis. Prohibet quænam fuit malæ. autem adeo Dominus peccatum, ut nolit seruos suos neque opere, neque lingua, neque affectu, neque delectatione consentire per rationem peccato. Iterum dico, adeo tibi Deus prohibuit peccatum, ut nolit non solum ut agas peccatum, sed eriam nolit, ut tu illud velis, optes aut diligas: imo nolit sponte finas affectū tuum esse inclinatum peccato, aut ut in peccato, hoc est, ut in re cogitata quæ peccatum est, sponte delecteris voluptuerisq; ut sit sapientia in his qui carnalia meditantur. Potest tamen fieri, ut tentatio carnalis, aut in carne, aut in imaginatione & affectu te inuitum molester, imo etiam secundum rationem inuitum sensualem appetitum tuum delectet, & sis nihilominus absque periculo mortalis peccati. Non potest autem (ut doctribus sanctis placet) fieri, ut quis voluptatis aut delectationis animi gratia in peccato mortali cogitato (etiam si nolit illud facere) delectetur animo deliberato, & in delectationem rei cogitatæ consentiat absque periculo mortalis peccati. Quod à nobis auertat Iesus Christus, Dei Filius in secula benedictus, Amen.

DOMINICA XX. POST DOMINICAM S.

Trinitatis, Epistola B. Pauli Apostoli ad Ephesios V.

Vide quomodo cause ambuletis. Non quasi insipientes, sed ut sapientes, redimenter tempus, quoniam dies mali sunt. Propterea nolite fieri imprudentes, sed intelligentes, que sit voluntas Dei. Et nolite inebriari vino, in quo est luxuria: sed impleamini spiritu sancto, loquentes vobismetipsis in Psalmis & hymnis, & cantici spiritualibus, cantantes & psallentes in cordibus vestris Domino: gratias agentes semper pro omnibus in nomine Domini nostri Iesu Christi, Deo Patri subiecti innicem in timore Christi.

PARAPHRASIS IN EANDEM EPISTOLAM.

Ante monuerat Apostolus Ephesios tenebrarum operibus non communicare, nec horum participes fieri: magis autem ea redargueret. Hic autem admonet, ut cauti ambulent atque prudenter, dicens: Vide, ac sagaciter vobis prospicite, quomodo prudenter & cauti ambuletis, circumspiciendo vobis in omni loco & opere, quomodo tentationum insipientes, QQQQ dias,

Ambulando
quomodo
sit cauti &
circumspiciendo
dias,

dias, peccatorumque ceteris occasione, ne aut vestris, aut aliorum vitia inquinemini. Non quasi insipientes, ut hi faciunt, qui quamvis nulla peccandi voluntate trahantur, a specie tamen mali non abstinent, quod est insipientia, dum alijs occationem prabent scandali: sed ambuletis, inquit, ut sapientes, quorum conuersatio tam in interiori, quam exteriori homine coram Deo & hominibus irreprehensibilis sit: recuperantes tempus aliquando in fructuose transactum, aut redimentes illud, ne ociose transfigendum amittatis, quo nunc eo sitis feruentiores, quanto olim negligentes fuistis, quoniam dies mali sunt: Non quod dies in se sunt mali, sed quod ex tempore homo facilime sibi materiam occasionemve, nisi prudensissime circumspiciat, sumat delinquendi. Ascribuntur enim temporis, quae sunt in tempore. Inde est quod Christus dicit: Sufficit diei malitia sua. Et in Machabaeorum libro: Videns Ionatas quia tempus eum iuuat. Sequitur: Propterea nolite fieri imprudentes, indiscreti, aut non circumspecti, ne multa negligitis facienda, neve negligenda faciatis, sed intelligatis quae sit voluntas Dei, quid a vobis ille requirat, quidve illi placeat. Non vinum moderate sumptum, sed ebrietatem vobis prohibeo, ex quo luxuria generatur. Ita enim dicit: *Nolite ineberi vino in quo est luxuria.* Idcirco quoque dicit Sapiens. Luxuriosa res vinum, & tumultuosa ebrietas. Quiuscumque his delectatur, non erit sapiens. Porro, luxuria vbi fuerit, ibi commorari non potest. Spiritus sanctus. Ideo monet, dicens: Sed impleamini spiritu sancto, qui vos diuino salubriter inebriet amore, mentesque vestras ab amore temporalium ad aeternorum desiderium transmutet. Applicat autem similitudinem ad sanctam hanc ebrietatem spiritus, eorum consuetudinem qui calicibus student epotandis, interimque nugantur simul iuxta vinum confabulantes & cantantes. Ideo impleamini, inquit, non in vino in quo est luxuria, sed spiritu sancto, in quo sobria est ebrietas mentis. Colloquentes vobisipsis alterutrum in Psalmis, in hymnis ac laudibus Dei, & in canticis spiritualibus, quae futura gaudia caelestiumque bonorum memoriam preludunt: cantantes & psallentes in cordibus vestris Domino tanquam hi qui diuino amore suavitatis eius memoria sunt ebriz, & gratias agentes Deo, non ad horam, sed semper pro omnibus eius beneficijs, pro omnibus quoque hominibus, quorum consolatio & gaudium vestra debet esse consolatio & gaudium, sicut membra sibi gratulari viuis corporis decet. Neque enim si oculus doluerit, & dolore recedente sanificari fuerit restitutus, minus gaudebunt singula alia membra, quam si ipsa fuissent afficta, & denuo liberata. Ideo monet pro omnibus nos gratias agere Deo Patri misericordiarum, & totius consolationis, idque in nomine Domini nostri Iesu Christi, per quem haec omnia nobis dantur, in quem quoque si agnoscimus hoc, resultat omnis laus & gratiarum actio, quam Patri offerimus per Filium seu per nomen Domini nostri Iesu Christi. Itaque haec omnia agentes, effete ergo vos inuicem quoque humiles & subiecti, alter alterum honore proueniens, alter alteri deferens, portans, dissimilans, tribuens, ignoscens, & minorum viliorumque vniuersisque se omnibus sentiens in timore Christi, qui dixit: *Qui maior est vestrum, sit sic ut minister vestrum.* Et Ecclesiasticus: *Quanto maior es, humilia te in omnibus.*

EXEGE-

1. Thess. 5.

Tempori ea
asseribi qua-
sunt in tem-
pore.

Matth. 6.

1. Mach. 12.

Proverib. 20.

Prover. 19.

Ebrietas spi-
ritus, sancta

& ebria.

2. Cor. 1.

Rom. 12.

Mouth. 23.

Eccl. 7.